



## **X Pleno do Consello de Comunidades Galegas**

Santiago de Compostela

28 e 29 de xuño de 2012

# **CONCLUSIÓNS DAS COMISIÓNS DE DEBATE DOS RELATORIOS DO X PLENO DO CONSELLO DE COMUNIDADES GALEGAS**

Santiago de Compostela, 29 de xuño de 2012



## X Pleno do Consello de Comunidades Galegas

Santiago de Compostela

28 e 29 de xuño de 2012

### RELATORIOS:

- 1.- Galeguidade. Desenvolvemento Normativo.
- 2.- Galicia Exterior no século XXI
- 3.- Política Socio-Asistenciais.
- 4.- Cultura.



## X Pleno do Consello de Comunidades Galegas

Santiago de Compostela

28 e 29 de xuño de 2012

### GALEGUIDADE. DESENVOLVEMENTO NORMATIVO

**Artigo 3:** Acórdase introducir no parágrafo 1 a expresión “así como tamén aos seus descendentes”.

Acéptase a achega da **Unión de Sociedades Galegas na República Argentina** e rexeitase a achega da **Sociedade Galega “Sementeira” de Basilea**.

**Artigo 4:** Rexeitase a achega da **Federación de Sociedades Gallegas en Cuba** así como tamén a achega da **Sociedade Galega “Sementeira” de Basilea**.

**Artigo 8:** Acéptase a achega da **Unión de Sociedades Galegas na República Argentina** tanto no apartado C como no D.

Rexeitase a achega da **Sociedade Galega “Sementeira” de Basilea**.

**Artigo 9:** Rexeitase a achega da **Unión de Sociedades Galegas na República Argentina** en relación co apartado g).

Rexeitase a achega da **Unión de Sociedades Galegas na República Argentina** en relación co parágrafo 3, aceptándose a eliminación do silencio administrativo negativo en relación coa solicitude de recoñecemento das Entidades como centros colaboradores, e solicitando que as ditas Entidades sexan coñecedoras do informe preceptivo da Comisión Delegada do Consello de Comunidades Galegas así como da resolución motivada da Secretaría Xeral da Emigración.

Rexeitase a achega da **Sociedade Galega “Sementeira” de Basilea**.

**Artigo 10:** Rexeitase a achega da **Sociedade Galega “Sementeira” de Basilea**.

**Artigo 11:** Rexeitase a achega da **Sociedade Galega “Sementeira” de Basilea**.

**Artigo 12:** Rexeitase a achega da **Unión de Sociedades Galegas na República Argentina**.



## X Pleno do Consello de Comunidades Galegas

Santiago de Compostela

28 e 29 de xuño de 2012

Acéptase a achega da **Sociedade Galega “Sementeira” de Basilea** en canto a que exista un informe preceptivo da Comisión Delegada do Consello de Comunidades Galegas para a resolución das solicitudes de recoñecemento das Entidades como centros colaboradores.

**Artigo 13:** Acéptase a achega da **Unión de Sociedades Galegas na República Argentina**.

No parágrafo 3 acórdase estender a todas as áreas xeográficas o sinalado para as comunidades autónomas de España e instar ao goberno de Galicia a promulgar un decreto no que se reflicta a especificidade da existencia na República Arxentina de dúas federacións históricas, recomendando o seu mantemento.

**Artigo 19 e 20:** Rexeitase a achega da **Sociedade Galega “Sementeira” de Basilea**.

**Artigo 35:** Rexeitase a achega da **Sociedade Galega “Sementeira” de Basilea**.

**Artigo 36:** Rexeitase a achega da **Sociedade Galega “Sementeira” de Basilea**.

**Artigo 42:** Rexeitase a achega da **Sociedade Galega “Sementeira” de Basilea**.

**Artigo 48:** A Comisión apraza o debate sobre o número de membros natos da Comisión Delegada ata a celebración do próximo Consello de Comunidades Galegas en apoio e solidariedade coa situación do **Centro Galego de Buenos Aires**

En canto a achega da **Sociedade Galega “Sementeira” de Basilea**, facúltase á Comisión Delegada designada por este Consello a estudar e formular unha proposta á administración pública galega sobre o número mínimo de socios galegos que debe ter unha comunidade galega para ser membro nato da Comisión Delegada.



## X Pleno do Consello de Comunidades Galegas

Santiago de Compostela

28 e 29 de xuño de 2012

- A Comisión do relatorio considera suficiente a redacción do anteproxecto da lei da galegitude en canto ao fomento e uso da lingua galega.

Acórdase que sexa a Comisión Delegada do Consello de Comunidades Galegas a que estude e asesore á administración pública galega para fixar a periodicidade na celebración dos consellos das comunidades galegas que será reflectida no decreto regulador do devandito consello.

- Finalmente apróbase o Anteproxecto da lei da galegitude coas modificacións acordadas por esta Comisión co voto en contra da **Sociedade Galega “Sementeira” de Basilea**.



### “A GALICIA EXTERIOR NO SÉCULO XXI”

- I. As Asociacións Galegas no Exterior ( como por exemplo as asociacións de empresarios) deberían funcionar como Delegacións Comerciais de Galicia. Onde non existan asociacións de empresarios deberíanse considerar aos centros colaboradores como eventuais plataformas comerciais.
- II. Deberíase fomentar ás asociacións de empresarios Galegos, e arbitrar mecanismos para que estas perduren no tempo. Así mesmo deberíase potenciar a Marca Galicia para que funcione como captador de novas xeracións de directivos de asociacións e centros no exterior.
- III. ¿ Pode o asociacionismo propio dos centros nos séculos XIX e XX, seguir funcionando tal e como está configurado na actualidade? . A resposta é afirmativa, pero é necesario un proceso de cambios. Recomendamos á Secretaría xeral da Emigración establecer un listado de entidades pola súa tipoloxía, de forma que as partidas orzamentarias vaian dirixidas a finalidade propia da entidade ( asistenciais, formativas, culturais.....).
- IV. Retomar a antiga figura do profesor de galego ( cursos de galego presenciais).
- V. Solicitar a colaboración da Televisión de Galicia para que actúe como un instrumento formativo na ensinanza da lingua galega.
- VI. Potenciar o uso do portal de Galiciaaberta. Nestes intres está infrautilizado polas entidades.  
Os centros teñen que ser activos neste senso, e proporcionar a información necesaria para a súa dinamización.



## X Pleno do Consello de Comunidades Galegas

Santiago de Compostela

28 e 29 de xuño de 2012

O portal esta aberto a todas as entidades para o seu uso, e para facer a través do mesmo suxerencias; en definitiva que sexan proactivos. O primeiro requisito para a correcta funcionalidade do portal e que todos os centros dispoñan de correo electrónico actualizado e o faciliten.

- VII. Aínda que o mais eficaz serían os cursos presenciais, e considerando que non sempre é viable, propónse crear un espazo explicativo sobre o funcionamento de Galiciaaberta, para a formación dos usuarios nos centros galegos.

En relación co anterior, sería moi útil contar con un manual do usuario o mais sinxelo posible.

- VIII. En relación aos envíos postais das publicacións dos centros a secretaría xeral para a súa distribución, propónse a dixitalización das referidas publicacións en Galiciaaberta.
- IX. Unificar programas de subvencións nun único programa de carácter finalista con diferentes epígrafes, con explicación clara por parte da secretaría xeral da documentación que se vai a requirir.
- X. Propónse que dende a secretaría xeral se de prioridade as integración de entidades. De non ser isto posible deberíase fomentar a coordinación entre aqueles que realicen actividades paralelas.
- XI. Potenciar a realización de actividades conxuntas entre diferentes centros e priorizar de forma efectiva a concesión de axudas a esas actividades coordinadas, naqueles casos nos que a proximidade xeográfica o permita.
- XII. Dada a dificultade que teñen os maiores para o manexo das novas tecnoloxías, propónse que os mozos formen aos seus maiores para o seu uso.



## X Pleno do Consello de Comunidades Galegas

Santiago de Compostela

28 e 29 de xuño de 2012

- XIII. E evidente que existe un grave problema de comunicación entre a secretaría xeral e as entidades, ao que deben dar solución os centros a través do portal e o correcto uso do correo electrónico.
- XIV. Fomentar programas de formación online en temas específicos dirixidos á xuventude.
- XV. Reformular os obxectivos das entidades de cara ao século XXI, dando cabida as novas inquedanzas e problemática da xuventude.
- XVI. A través de Galiciaaberta deberíase favorecer a implantación de xogos educativos e ferramentas formativas para os nenos, estimulando deste xeito a implicación dos nenos na vida da entidade.
- XVII. Redefinir as funcións dos centros, como por exemplo orientándoos cara a promoción do turismo. Para iso é fundamental que as entidades se integren na sociedade de acollida e teñan unha funcionalidade como posibles oficinas de turismo.
- XVIII. Os mozos replegaronse da participación social, evidenciando un descreemento na política. A través dos nosos centros debemos inculcarlles un sentido de pertenza, para que atopen nas entidades axuda e apoio.
- XIX. A secretaría xeral debe promover espazos de intercambio xeracional, a través de diferentes actividades.





### POLITICAS SOCIO-ASISTENCIAIS

- I. Promover o mantemento das axudas aos fogares de anciáns e residencias da terceira idade da Galicia exterior como son os casos do “Recreio dos Anciáns” de Río de Janeiro e do “Hogar Gallego para ancianos” de Domselar para que poidan seguir atendendo aos anciáns galegos alí residentes. Prestar especial atención a aqueles fogares que estan a pasar por importantes dificultades económicas como o Hogar Español de anciáns de Montevideo.
- II. Dado o incremento dos enfermos de Alzheimer residentes nos fogares de anciáns da Galicia exterior por mor do incremento da idade media dos usuarios, solicítase potenciar a creación ou mellora das instalacións necesarias para atendelos coas correspondentes dotacións de material e persoal capacitado.
- III. Manter o apoio e ao mesmo tempo amosar a satisfacción porque entidades de carácter hospitalario e mutual como a Casa de Galicia de Montevideo teñan un estado de contas saneado despois de superar nos últimos anos estados de grave dificultade.
- IV. Promover o mantemento das axudas aos centros de día e entidades beneficentes da Galicia exterior que prestan servizos de atención diúrna ás persoas necesitadas.
- V. Manter as axudas ás entidades galegas e fundacións de carácter benéfico que coidan dos galegos dependentes prestando o servizo de axuda domiciliaria, especialmente nos países de Venezuela e Brasil, coa finalidade de non deixar desatendidos a casos de especial gravidade.
- VI. Instar á Xunta de Galicia para que presente nos correspondentes ámbitos de representación, ante os órganos competentes do goberno



## X Pleno do Consello de Comunidades Galegas

Santiago de Compostela

28 e 29 de xuño de 2012

- central, a demanda de que a implantación da lei de dependencia se realice para os residentes no exterior co mesmo grao de desenvolvemento que no Estado Español.
- VII. Potenciar o uso das entidades galegas como lugares de realización de actividades propias da terceira idade para que os galegos de idade avanzada manteñan e melloren as súas capacidades psíquicas e físicas. Evitaríanse así entre outras doenzas, as depresións que, coa inactividade, atinxen a moitos dos nosos maiores.
- VIII. As entidades galegas deben promover a creación dun órgano formado polos distintos sectores implicados que poida aglutinar a todos os centros asistenciais co fin de unificar recursos, dado que cada centro ten a súa propia necesidade e problemática, máis en conxunto pódense abaratar custos e recursos.
- IX. Promover liñas de axuda destinadas a aqueles socios do Centro Gallego de Bos Aires ou da Fundación España Salud de Venezuela que se quedaran sen cobertura sempre que non sexan atendidos cos mesmos custes noutra obra social ou entidade mutual. Amosar a preocupación por que estas axudas cheguen só os máis necesitados.
- X. Dado a situación de crise que se está atravesando en España comezan a atoparse galegos residentes noutras comunidades autónomas que contan con ingresos inferiores á renda de inserción social, en consecuencia con necesidade extrema, con servizos sociais ateigados. Por este motivo solicítase especial atención a este problema con liñas de axuda como pode ser a de contratacións por horas, a traveso dos centros galegos ou das federacións, de persoas capacitadas en asistencia social para a atención dos galegos necesitados.
- XI. Os centros galegos de Suíza, Alemaña e doutros países do centro e norte de Europa están a recibir moitas solicitudes de mozos e mozas



## X Pleno do Consello de Comunidades Galegas

Santiago de Compostela

28 e 29 de xuño de 2012

galegas que viaxan na procura de traballo. Moitos preséntanse sen residencia, sen contrato de traballo chegando a difíciles situacións de marxinalidade, ofrecendo as entidades galegas axudas nas súas instalacións como as de xantar de forma gratuíta. Solicítase que no futuro se teñan en conta estas situacións nas correspondentes liñas de axuda.

- XII. Agradecer a Galicia en xeral e á Secretaría Xeral da Emigración en particular os esforzos por atender aos galegos do exterior en situación de necesidade, malia as dificultades de carácter económico por todos coñecidas que están a suceder tanto en Galicia como en España.



### **CULTURA, ASOCIACIONISMO E ACCIÓN EXTERIOR.**

#### I. Institucionalización da memoria da emigración.

Como preámbulo a estas conclusións, esta Comisión de traballo propón que, desde a Administración galega, se recoñeza e se dea a coñecer o valor que tivo a emigración, e o papel que, desenvolveron millares de emigrantes en todo o mundo, tanto na difusión dos valores de Galicia no exterior como nos cambios que se derivaron na propia sociedade galega.

#### II. As entidades galegas deben ter iniciativas culturais dedicadas a difundir nos lugares onde residen unha ou varias imaxe-marca propia de Galicia. Esta imaxe debe difundir aquilo que identifique a Galicia, que teña interese para o resto dos países e que a diferencie doutras zonas. A este respecto, indícanse por esta Comisión a continuación algunhas das importantes marcas galegas que se deben difundir:

- O Camiño de Santiago.
- A peculiaridade da emigración galega, distribuída por todo o mundo (o particular status de Galicia como “país de emigración”).
- A gastronomía galega.
- As sinais turísticas propias de Galicia.
- O folclore galego.

Neste senso os membros desta Comisión propoñen que os expertos orienten aos centros das imaxes-marca que se poden difundir desde os mesmos.



## X Pleno do Consello de Comunidades Galegas

Santiago de Compostela

28 e 29 de xuño de 2012

- III. As entidades galegas asumen a utilidade que poidan ter cara a adopción dun novo perfil adecuado a realidade actual e futura, nunha sociedade cada vez máis globalizada, complementando as accións máis clásicas que veñen desenvolvendo, cunha progresiva conversión destes centros en lugares de prestación de servizos, como unha “antena de Galicia” no exterior. Ao respecto, realizarán accións en diferentes ámbitos: cultura, ensinanza, turismo, empresa...etc.
- IV. As entidades galegas asumen que deben adaptar aos novos tempos as súas estruturas e as accións que veñen realizando, e deberán esforzarse en “rexuñecer” e integrar novos membros. Para iso, será preciso levar a cabo un “plan de formación” en novas tecnoloxías, avanzando no seu uso.
- V. Débese pensar na utilidade da creación dunha *páxina web* onde os centros e entidades galegas reflicten as actividades culturais e todas as accións que están desenvolvendo por todo o mundo, incorporándoas a esta páxina día a día e en tempo real. Deste xeito tenderase a crear unha “rede de galegitude” e unha plataforma de recursos e contidos.

Propónse por esta comisión que sexa a Secretaría Xeral da Emigración a que coordine e dea o apoio técnico para a creación desta páxina web.

- VI. As entidades galegas asumen que sería positivo que pola Administración galega fose creada unha axencia de carácter independente que coordine e promova a acción cultural exterior, en xeral e a que leven a cabo os propios centros.
- VII. Esta comisión considera moi importante o mantemento polo asociacionismo galego no exterior da lingua galega como unha sinal de identidade e como lingua de comunicación. Ao respecto propónse o fortalecemento de cara ao futuro da ensinanza, emprego e fala do idioma galego.

Para iso, deberán realizarse un maior número de cursos de galego xestionados polas entidades, co apoio da Administración galega.